

“Hahgungh” Doihbangson Daj Gyae Daeuj Ginhsiu Bangson Gyoengq Lwghag

“哈工”支教团远赴金秀 援梦学子

5 nyied 21 hauh, Hah' wjbinh Gunghyez Dayoz Gozci Gyauyuz Yozyen Gu Gencwng yencangj buek vunz ndeu 28 boux, daeujdaengz Ginhsiu Yauzcuz Swciyen guh le “Hahgungh dasingh—Cungguek caeuq guekrog hagseng Gvangjsih Ginhsiu banggunz bangson hozdung”. Ndawde miz 12 boux guekrog hagseng daj Yinghgoz、Ngezlozsw、Bwzngozlozsw、Gyahnazda、Audaliya daengj 12 aen guekgya louzhagseng daeuj. Aen hozdung neix guh aen singhgiz ndeu.

Youq ndaw hozdung, Hahgunghda lauxsae hagseng ndaw guek guekrog bae daengz Ginhsiu Minzcuz Gauhcungh、Minzcuz Cunghyoz、Minzcuz Siujyoz daengj hagdangz caeuq dangdieg hagseng naj doiq naj gyaoulouz, vanzlij caeuq gyoengq hagseng dangdieg guh lai cungj lai yiengh lienzvuen hozdung.

Ciug cam rox, daj 2016 nienz gvaqdaej, Hah' wjbinh Gunghyez Dayoz dawz Ginhsiu Yauzcuz Swciyen guh dingh diemj bangrex danhvei. Gozci Gyauyuz Yozyen gaenxmaenx wngqhan yozyau haucau, dawz bangson hozdung cangzdaiva、gihciva, vih Ginhsiu caeuq seiqgyaiq gak dieg gaq diuz giuz doxdoeng he.

(Vangz Siufung/黄秀凤)



▲ Hah' wjbinh Gunghyez Dayoz guekrog hagseng hawj Yienh Minzcuz Gauhcungh hagseng hwnjdangz.



▲ Hahgunghda hagseng vih Yienh Youwzyenz hagseng lauxsae biujyienj cezmuuz.

Sanhgyangh: Ngoenzngoenz Miz Heiq Cien Mbanj Angq

三江：文艺惠民千村乐

5 nyied 18 hauh, youz Gvangjsih Vwnzlenz caeuq Liujcough Si Vwnzlenz lienzhab cawjbanh “cien mbanj fanh hoh vwnzyi veiminz gunghcwngz”, Liujcough Si ranzmbanj yienjheiq hozdung youq Sanhgyangh Duncuz Swiyyen Dohyeh Gvangjczangz gawjhengz, gyoengq mbanjranz vwnzyi daiqbiuj daj baihaek sam aen yienh Yungzanh、Yungzsuij、Sanhgyangh daengj daeuj haenx doengz daiz yienjheiq, aeu aenvenz caijdangz、minzcuz gofoux、caijdiu、siujbinj daengj cezmuuz lai cungj lai yiengh, vih Duncuz beixnuengx soengq hwnj ciengz heiq ndei yawj he.

“Cien mbanj fanh hoh vwnzyi veiminz gunghcwngz” dwg gaenh geij bi neix daeuj Gvangjsih Vwnzlenz doiguh cungdenj vwnzva veiminz hanghmoeg binjbaiz. Eiqsae de dwg doenggvaq haeujlaeg dingjanz bae guh veiminz hozdung, laebguh hwnj youhsiu conzdungj vwnzva swncienj diji. Sanhgyangh baengzawq gij yienh cingz bonjfaenh, mienh yienq lajmbanj, fuzvu vunz lai, roengzrengz doihaeuj vwnzva lijyouz doxhab fazcanj, dwk yienq “gvangjczangz ngoenzngoenz yienj, minzsuz ndwenndwen ciet” vwnzva binjbaiz, roengzrengz daezswng ranzmbanj beksingq vuenyungz ceijsoq, gonqlaeng ndaej daengx guek vwnzva senhcinj yienh、daengx guek lijyouz biucinjvaq sifan yienh daengj cwnghauh.

(Gungh Bujangh/龚普康)



▲ Gvangjczangz miz heiq ngoenzngoenz yienj.



▲ Lijswcangj caeuq seyen itheij sou yod lazmuuz.

Ningzmingz: Hong Ndaemciengx Daegsaek Bangrengz Cingcinj Vutgunz

宁明：特色种养业成为精准脱贫“助推器”

5 nyied 24 hauh, Ningzmingz Yen Mingzgyangh Cin Fungvangz Cunh Banghu Swngdhai Nungzminz Conhyez Hozcozse lijswcangj Vwnh Gohgenz caeuq seyen itheij nyaeb nyod 'oiq lazmuuz.

Lazmuuz daj Yindu daeuj, ndaej guh ywyungh caeuq ciengxndang, caeuq sihyangzsinh Meijgoz、lingzcih Cungguek gyonj heuhguh sam bauj seiqgyaiq. Dangqnaj Fubangh hozcozse ndaem miz lazmuuz 100 moux, majdingh moix moux cingh-souhaeuj ndaej dabdaengz 1.3 fanh maenz, gaenq miz 8 ranz gungzhoj gya haeuj hozcozse ndaem lazmuuz lo.

Lumj ndaem lazmuuz doengh cungj canjyiez daegsaek neix, Ningzmingz Yen lij miz cazvagim、lingzcihndaem、ginhcenzcauj、mouduenh、gvifw、rwi、gaeqrang batgak daengj daegsaek ciengxndaem nungzminz conhyez hozcozse 80 lai aen, gyoengqde gaenq baenz rengzdoi dangdieg vunz lai gungzhoj saedyienh cingcinj vutgunz lo.

(Couh Yizgangh/周贻刚)

Yungzsuij: Boux Vunz Gamj “Foux” Rwilwggyoux Gahenj Ndeu

融水：一个敢“舞”黄脚葫芦蜂的人



▲ Banh Ging' vaz youq ndaw ciengz ciengx rwi dajleix rongzrwi.

2015 nienz 8 nyied, Yungzsuij Myauzcuz Swciyen Yanghfwnj Yangh Gujlah Cunh Mbanj-lahsoz Banh Ging' vaz hainduj leihyungh gij gisuz youq diegwnq bang vunz ciengx rwilwggyoux gahenj hag rox haenx dauqma ndaw mbanj ciengx rwilwggyoux gahenj.

Dangqnaj, Banh Ging' vaz faenbied youq Anhcuiz、Vaizbauj、Ganjdung daengj yanghcin banh le 4 aen ciengz ciengx rwilwggyoux gahenj, son nungzminz ciengx rwilwggyoux gahenj gisuz, daiq vunzmbanj byaij diuz loh dajciengx daegsaek he.

(Liu Swjyen/廖子渊)